

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 06.12.2019թ. թիվ 1910541870 որոշումն անփոփոխ, իսկ վարչական բողոքն առանց բավարարման թողնելու մասին

<<20>> 01 2020թ. 7-13 288

ք.Երևան

Ճանապարհային ոստիկանության պետ, ոստիկանության գնդապետ Ե. Կարապետյանս, վերանայելով Մարինե Բոյաջյանի թիվ ՄԴ/120-20 դիմումի քննարկման արդյունքում ստեղծված նյութերը

Պ Ա Ր Զ Ե Ց Ի

Երևան քաղաքի Արամ Խաչատրյան փողոցի 14/5 տան բնակիչ Մարինե Բոյաջյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին 06.12.2019թ. թիվ 1910541870 որոշումը՝ նշելով, որ դրանում բացակայում են տեղեկություններ արագաչափ սարքի վերաբերյալ, ինչպես նաև իրավախախտումը կատարվել է այլ տրանսպորտային միջոցի կողմից:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտը վերանայելու հիմք հանդիսանալ հետևյալ պատճառաբանությամբ.

<<Տեսանկարահանող և լուսանկարահանող սարքերով հայտնաբերված Ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հաղվածի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը:

<<Չափումների միասնականության ապահովման մասին>> ՀՀ օրենքի պահանջներով պայմանավորված Հայաստանի Հանրապետության շահագործվող բոլոր արագաչափ սարքերը սահմանված ժամկետում և կարգով ստուգաչափված են:

Ըստ արագաչափ սարքի տեխնիկական բնութագրի՝ այն փոխադրամիջոցը, որի արագությունը համարվում է չափված, պետք է առնվազն մասամբ գտնվի նկարի երեք քառորդում՝ ընթացքի ուղղությամբ (գնահատման գոտի): Գնահատման գոտում չպետք է լինի միևնույն ուղղությամբ շարժվող որևէ այլ փոխադրամիջոց՝ նույնիսկ մասամբ: Հակառակ ուղղությամբ շարժվող փոխադրամիջոցները կարող են գտնվել գնահատման գոտում:

Վիճարկվող որոշման անհատական ծածկագրի տակ գետեղված լուսանկարի ուսումնասիրությամբ հստակ է դառնում, որ չի կարող կասկածի տակ դրվել իրավախախտումը հենց դիմումատուին պատկանող տրանսպորտային միջոցով կատարված լինելու հանգամանքը, քանի որ միայն վերջինիս պատկանող ավտոմոբիլն է գտնվում լուսանկարի գնահատման գոտում: Միևնույն ուղղությամբ առկա մյուս տրանսպորտային միջոցներից մեկը գտնվում է կանգնած վիճակում (բացակայում է վարորդը), իսկ մյուսը՝ գնահատման գոտուց դուրս:

Վիճարկվող որոշման մեջ նշված թիվ 1200 վկայագիրը, ինչը արագաչափ սարքերի չափման միջոցների տեսակի հաստատման սերտեֆիկատն է (տրված 21.12.2016թ.), որը հաստատում է, որ փորձարկումների դրական արդյունքների հիման վրա մինչև

21.12.2021թ. թույլատրված է <<MultraRadar SD 580>> արագաչափի սարքերի կիրառումը Հայաստանի Հանրապետությունում: Գ/Հ թիվ 71812 արագաչափի սարքի թիվ 008864 ստուգաչափման վկայականը (կցվել է) փաստում է, որ իրավախախտման արձանագրման պահին չափման միջոցը բավարարել է սահմանված պահանջներին:

Բացի այդ, երթևեկության մասնակիցը պարտավոր է պահպանել ճանապարհային երթևեկության կանոնները, անկախ տեսա և լուսանկարահանող սարքերի առկայությունից:

Վերոգրյալի հիման վրա գտնում եմ, որ դիմումատուի գործողություններում առկա է մեղքը, իսկ մեղքը դա անձի հոգեկան վերաբերմունքն է իր կատարած արարքին և դրան հաջորդող հետևանքին, որը կարող է դրսևորվել ինչպես դիտավորությամբ, այնպես էլ անզգուշությամբ, ինչի պարագայում Վարչական իրավախախտումների վերաբերյալ ՀՀ օրենսգրքի իմաստով որևէ նշանակություն չունի, թե կոնկրետ արարքը վարորդը կատարում է այն պատճառով, որ հստակ գիտակցում է, որ դա խախտում է և դիտավորությամբ կատարում, թե այն պատճառով, որ վարորդը գիտակցում է, որ այդ արարքը արգելված է օրենքով, սակայն ինքնավստահորեն հույս է ունեցել, որ դրա հետևանքները վրա չեն հասնի և թե այն պատճառով, որ վարորդը չի գիտակցել իր գործողության հակաիրավական բնույթը, սակայն կարող էր և պարտավոր էր գիտակցել այն (ՎԻՎՕ՝ հոդված 11)՝ զանցակազմի սուբյեկտիվ կողմ:

Վարչական իրավախախտումների վերաբերյալ ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ունեցվող հակաիրավական, մեղավոր (դիտավորյալ կամ անզգուշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն, հետևաբար ակնհայտ է, որ անկախ անձի կողմից մեղքի ձևի դրսևորումից (իրավախախտում թույլ տվող անձը) նշված օրենսգրքի համապատասխան հոդվածի դիսպոզիցիայով նկարագրված արարք կատարած անձը պետք է ենթարկվի վարչական պատասխանատվության Վարչական իրավախախտումների վերաբերյալ ՀՀ օրենսգրքի համապատասխան հոդվածի սանկցիայի շրջանակներում:

Այսպիսով հիմնավորվել է, որ դիմումատուին վարչական պատասխանատվության ենթարկելու մասին վերը նշված որոշումն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 06.12.2019թ. թիվ 1910541870 որոշումը թողնել անփոփոխ, իսկ վարչական բողոքն առանց բավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակն ուղարկել Մարինե Բոյաջյանին:

Ե. Կարապետյան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՏՆՏԵՍԱԿԱՆ ԶԱՐԳԱՑՄԱՆ
ԵՎ ՆԵՐԳՐՈՒՄՆԵՐԻ
ՆԱԽԱՐԱՐՈՒԹՅՈՒՆ



ՀԱՓԱԳԻՏՈՒԹՅԱՆ ԱԶԳԱՅԻՆ
ԻՆՍՏԻՏՈՒՏ ՓԲԸ
(ՀԱՓԱԳԻՏՈՒԹՅԱՆ ԱԶԳԱՅԻՆ
ՄԱՐՄԻՆ)

ՍՏՈՒԳԱՀԱՓՄԱՆ ՎԿԱՅԱԿԱՆ № 008864

Ստուգաչափման թվականը 2018 թ. 12 «07»

Ուժի մեջ է մինչև 2019 թ. 12 «07»

Օկրուգալնայա արտագրամայում
չափման միջոցի անվանումը և տեսակը

Գործարանային հմ. 71812

Տեսակը Delta Radar S8580

Հափման տիրույթը (10 ÷ 250) 4.5/4

Ճշտության դասը, կարգը (սխալները) ± 2 4.5/4

Արտադրողը Ջեյմսթրոմ

Պատկանում է ՀՀ ՎԷԶ յուրի Սթեփանյան

իրավաբանական, ֆիզիկական և/կամ անհատ ձեռնարկատեր, անվանումը/անունը և գրանունը

Ստուգաչափման արդյունքների հիման վրա չափման միջոցը ընկալվում է
սահմանված պահանջներին

Ստուգաչափումը կատարվել է համաձայն 20307 154/39.2/25.08.10/

ստուգաչափման մեթոդիկայի անվանումը, նշագիրը

RU/EN

Ստուգաչափող Ստեփանյան Օկրուգալնայա

ստորագրություն

ա.ա.

Ստուգաչափման ՕԳՈՂՄԻ արտատիպը

Բաժնի (լաբորատորիայի վարիչ) Ստեփանյան Օկրուգալնայա

պետ Ստեփանյան Օկրուգալնայա

ստորագրություն

ա.ա.

Հաստատված է ՀՀ տնտեսական զարգացման և ներդրումների նախարարի 19.02.2018թ. թիվ 133-Ն հրամանով
Գրանցված է ՀՀ արդարադատության նախարարության կողմից 26.02.2018թ. թիվ 10318068